

中國會館志

資料集成

第一輯

⑤

王日根 薛鵬志 編纂



廈門大學出版社 國家一級出版社
XIAMEN UNIVERSITY PRESS 全國百佳圖書出版單位

中國會館志

資料集成

第一輯
⑤

王日根 薛鵬志 編纂



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

目錄

第五冊

漳郡會館錄

一〇四三四

潮州汀龍會館志

四三五〇五五九

漳郡會館錄

楊熊飛 編

重纂漳郡館錄序

事有雖因而若創者漳郡館錄之重梓是已然苟欲因而無可因則亦有難強爲創者館之有錄考獻先徵文非若他書之可意爲或竊取以補也而抱殘守缺未有如今日之尤者溯自咸豐乙卯

謙亨

奉先

恭人諱同里其時館錄字迹猶可辨二十年來中原多故南北道梗士夫至止者寥寥庚申都門夷匪之變板帙多散失迨

謙亨

以光緒乙亥冬起服供職承

乏斯館目覩館錄之闕誤心焉憂之欲蒐輯而未能

加以館垣頽壞謀所以安行旅者未遑兼顧不謂渭
臣舍人之心乎斯錄實能匡余之不逮也舍人爲海
澄鄭嘉士孝廉高弟丁丑春孝廉曾取錯雜遺帙略
爲彙次苦無考證中止適今春謝慕韓太史攜漳郡
志及龍巖州志入都舍人見而喜焉曰吾其有以徵
斯錄乎於是取孝廉所彙次者編輯之館錄有缺誤
證以州郡志志所未載證以題名匾額午炎揮汗晨
露研朱博採兼搜辨同析異校讎裁併篇省事詳始
庚辰孟夏越仲秋全書告成井然不紊吾友舉孝廉

方正張壽堂茂才實佐斯役隨同抄錄兼出己貲玖拾陸金付梓余喜舍人之才敏心細克竟其師之業而茂才之慷慨好義又能成舍人之美而光吾郡之盛舉也爰述其巧於因以紹前之創者且以見廢興有時是書之成俾都人士觀前徽而咸思奮發人文從茲蔚起其獲益良多矣是爲序

光緒庚辰菊月穀旦里人謝謙亨謹識

建會館原序

事有若緩而實急既廢而必興者苟適值夫可興之機而不以急自計遂坐聽其廢日甚而緩以圖之乃日諉其事於後人其事卒不可興而其人亦無以其事爲緩急者則當其事之人之過而卽當其事諸人之過也吾漳舊有會館在內城西南祀吾郡城隍之神以主其福始建於宗伯呂濱溪先生成於隆萬諸士大夫凡搢紳先生與夫孝廉明經上舍游宦之往來莫不送迎有禮至有依而去有思春秋享祀歲

時伏臘聚膝面歡呼以故賓至如歸萬里天涯猶然
戚里過從也由是百餘年間科名與宦蹟並盛冠蓋
繹絡如織吾郡一隅遂甲七閩而與天下名郡邑相
雄長 清戈定鼎內城皆爲紫禁重地會館旣湮
神像移祀別室數年來勛臣大官仕宦公車及明經
諸輩望至止長安輒相與歎息謂 神祀缺而會館
湮將來何能如昔之送迎有禮有賓至如歸之樂也
幸太史葉昊菴先生與天部戴紫杓先生毅然以其
事爲急首捐百金以倡嗣是而繼者寥寥日宮保黃

先生以懋勛分封胙土茅余不佞亦從事於後塵上
賴 聖天子憫其愚而徵之侍從之班使隸於大
都俾朝夕得以依光日月而諸紳士自漳江來者謂
余實處 京師事必無所諉余謂是宮保公任也而
余何敢不佐其成以成葉戴二公之志而遠接濱溪
公之緒耶獨是宮保公雖在外而內實倚以爲重而
凡搢紳先生與夫孝廉明經上舍游宦之往來者亦
莫不有責焉是烏可不急爲計而坐聽其廢而莫之
振也是在互爲黽勉以並受 神庥而共集其慶云

滬君會館金

辛丑春蘇明撰

吾漳舊有會館在前門內西偏軒殿臺邃中堂祀

城隍香火神像旃壇金飾威靈赫濯佑我闔郡蓋

二百年於茲矣皇朝定鼎規制變更時館地迫

近宮禁折入焉余自公車北上以至備官翰林罔不

惄然興念嘗與紫杓戴先生謀復之而力未逮已而

紫杓以天官郎出憲岳陽茲不佞復有涼州參藩之

命惟是神宇未建時疚於衷姑爲設處百金

付鄉親陳士域別賃淨室權爲崇奉仍令歲將百金

取爲香火令節之費然終非久遠計也是在吾鄉搢紳先生出其宏願大力居高作倡則一簣便可成山又何慮於道傍之築室乎會館若成義塚藩垣又其相因而起者凡有同心知不置爲緩圖不佞風塵外吏且拭目以觀其盛矣

葉先登撰

會館議建於戴天部葉太史兩先生旣以丁酉冬捐貲百金至辛丑春昂邦蘇先生力主其事復捐貲百金宮保黃先生郵寄亦如之是歲公車並至又釀得

渭君會館錄

卷首

壹百捌拾金南宮榜放雋者八人又捐肆百金一時
在任居官郵寄未齊及數科高發未及題交者尙約
有數百金因將所有各銀額舉置會館於城之冰窖
衚衕爲堂二房十有一修葺更新所以崇祀郡神
敦洽梓誼而垂諸永久也今將募帳購券及舊傳館
規祀典開列如左

陳常夏誌

重鐫館錄題識

京師漳州館錄之刻昉自 國朝康熙間所載規約
詳明姓字表著樂義修建歲增月益鬱爲一郡風雅
總持主館事者例推京秩一人間或以三考者副之
由來舊矣余承乏於茲累載見錄中舊刻漫漶浸至
剝落雖互有補苴而考證爲難屢欲重鐫未能也近
於同鄉龍溪明經連君臚聲處得五十年前舊本取
而校之豁然開朗喜舊觀之可復乃囑連君補其殘
缺訂其訛誤命工翻刻其三之二仍分爲四卷其題

淮君會館金

識條例前後序次悉依原本蓋事非創始毋庸更張也夫吾漳在閩夙號名郡都門仕宦接軫連鑣今者東西兩館後先修葺諸廢畢舉賓至如歸而斯錄又得煥然聿新昭晰於數十年後而無復模糊之患不亦披覽者一大快哉剗剔竣事爰弁數言於首至其費之所出則從舊積喜金動支別著之帳目云

乾隆丁未郡人藍應元識

重刻館錄題識

都下漳郡會館有二并義塋爲三前輩以建置始末
及陸續捐修義舉統爲一錄其紀載條目備極纖悉
原序具列旣詳嘉慶戊午余起復蒞職西曹寓西館
中因經其廢墜重新屋宇數十楹欲并治東館義塋
閱歲庚申而力未逮然規模略具亦將不日成之公
餘退檢館錄梨棗腐蠹者十之四且舊刻前後攢湊
經少宗伯藍公校訂而體例猶多混淆乃取其甚者
而更修之俾開卷秩然不紊所費不貲故未能一律

完善區區之心以族異日夫上下百餘年吾鄉人之
服官及往來都下者莫不共襄館事以聯桑梓之情
直與同室之人無異則視斯錄爲一家之譜牒也可
余敢不珍重而整齊之乎

嘉慶庚申五月郡人李威題識